



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-046-4/21**
Datum: **18.02.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „EPS LAŠTRO” d.o.o. Kreševo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije pogona za proizvodnju ekspandiranog polistirena – „stiropora” sa pratećim sadržajima, izgrađenog u ulici Resnik bb, općina Kreševo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „EPS LAŠTRO” d.o.o. Kreševo, daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije pogona za proizvodnju ekspandiranog polistirena – „stiropora” sa pratećim sadržajima, izgrađenog u ulici Resnik bb, općina Kreševo, na zemljištu označenom kao k.č. broj 40/01, 40/2 i 40/3 K.O. Mratinići, općina Kreševo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje dizel goriva D2 vršiti u nadzemnom čeličnom rezervoaru ukupne zapremine $V=9.0 \text{ m}^3$.
 - 3.3. Da se oborinske onečišćene vode sa platoa oko istakališta, saobraćajnih i manipulativnih površina nesmetano prikupljaju sistemom slivnih rešetki i kanalizacione mreže, te odvedu do objekta za tretman otpadnih voda (tipski separator nafte i naftnih derivata), a zatim preko okna za monitoring odvedu do ispusta izvedenog u rijeku Kreševku.
 - 3.4. Da se tehnološke otpadne vode koje nastaju na lokaciji interne praonice motornih vozila prikupljaju putem slivnih rešetki u taložnik, odvedu internom kanalizacionom mrežom do tipskog separatora nafte i naftnih derivata, a zatim preko okna za monitoring odvedu do ispusta izvedenog u rijeku Kreševku.
 - 3.5. Da se tehnološke otpadne vode iz procesa proizvodnje stiropora (vode iz kotlova u kojima se vrši omekšavanje vode i kondenzat iz rasladnog tornja) prikupljaju u trokomorni vodonepropusni betonski taložnik sa oborinskim vodama sa manipulativnih površina, te odvedu do ispusta izvedenog u rijeku Kreševku.
 - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije

(«Službene novine Federacije BiH», broj 26/20).

- 3.7. Da se redovno vrši monitoring prečišćene vode iz okna za monitoring shodno odredbama člana 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH” broj 26/20), te pojedinačne i zbirne izvještaje dostavi Agenciji u skladu sa članom 23. stav (1) i (2) iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne, odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 i 26/14).
- 3.8. Ukoliko Vlada Srednjobosanskog kantona propiše dodatne (strožije) uvjete od uvjeta definisanih u tabeli 1.1. kolona 3. Priloga 1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati
- 3.9. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet effluenta.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.12. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.13. Osigurati priručna sredstva za brzu intervenciju u slučaju nekontrolisanog istjecanja nafte, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.14. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, „EPS LAŠTRO” Kreševo je dužno provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa, korisnik zaštitnih vodnih objekata nije odgovoran za nastale štete..
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „EPS LAŠTRO“ d.o.o. Kreševo, obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije pogona za proizvodnju ekspaniranog polistirena – „stiropora“ sa pratećim sadržajima, izgrađenog u ulici Resnik bb, općina Kreševo, na zemljištu označenom kao k.č. broj 40/01, 40/2 i 40/3 K.O. Mratinići, općina Kreševo.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Travniku, broj: 051-0-Reg-15-000683 dana 30.11.2015. godine;
- Ovjerena kopija uvjerenja o poreznoj registraciji, Porezna uprava Kantonalni porezni ured Novi Travnik dana 17.02.2016. godine;
- Ovjerena kopija Uvjerenja o registraciji/upisu u Jedinostveni registar obveznika neizravnih poreza broj: 04/UPP/1-6509/07 dana 01.08.2007. godine;
- Punomoć;
- Kopija Rješenja o građevnoj dozvoli za izgradnju poslovnog objekta donesenog od strane Općine Kreševo, broj: 06-23-222 dana 24.05.1999. godine;
- Kopija Rješenja o upotrebnoj dozvoli za proizvodnu halu, donesenog od strane Općine Kreševo, broj: 06-23-486/2/99 od 09.05.2000. godine;
- Kopija Rješenja građevne dozvole za dogradnju poslovnog objekta donesenog od strane Službe za katastar i imovinsko-pravne poslove Općine Kreševo broj: 06-23-161 dana 26.08.2002. godine;
- Kopija Rješenja građevne dozvole za dogradnju poslovnog objekta donesenog od strane Službe za katastar i imovinsko-pravne poslove Općine Kreševo broj: 06-23-92 dana 27.07.2004. godine;
- Kopija Rješenja građevne dozvole za dogradnju poslovnog objekta-skladište donesenog od strane Službe za katastar i imovinsko-pravne poslove Općine Kreševo broj: 06-23-238 dana 21.12.2006. godine;
- Kopija Rješenja o odobrenju za građenje podzemnog spremnika tekućeg naftnog plina u krugu poduzeća donesenog od strane Službe za katastar i imovinsko-pravne poslove Općine Kreševo broj: 06-23-265 dana 21.12.2006. godine;
- Kopija Rješenja o odobrenju za građenje nadstrešnice skladišta donesenog od strane Službe za katastar i imovinsko-pravne poslove Općine Kreševo broj: 06-23-81 dana 17.05.2007. godine;
- Kopija Rješenja o odobrenju za upotrebu donesenog od strane Službe za katastar i imovinsko-pravne poslove Općine Kreševo broj: 06-23-150-2 dana 19.07.2007. godine;
- Kopija Rješenja o odobrenju za izgradnju skladišta donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo broj: 06-23-120/17 dana 31.10.2017. godine;
- Kopija Rješenja o odobrenju za upotrebu skladišta, donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo broj: 06-23-154-3/19 dana 12.11.2019. godine;
- Kopija Rješenja o odobrenju za izgradnju interne benzinske crpke D2 donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo broj: 06-23-55/19 dana 10.05.2019. godine;

- Kopija Rješenja o odobrenju za upotrebu nadzemne interne crpke D2, donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo broj: 06-23-73/19-2 dana 14.06.2019. godine;
- Kopija Rješenja o odobrenju za izgradnju potpornog zida za zaštitu obale od osipanja, donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo broj: 06-19-118/20-1 dana 16.09.2020. godine;
- Kopija Rješenja obnovljene okolišne dozvole broj: 07-19-5856/20 dana 21.12.2020. godine donesenog od strane Ministarstva prostornog uređenja, građenja, zaštite okoliša, povratka i stambenih poslova Srednjobosanskog Kantona;
- Kopija Rješenja o vodnoj dozvoli donesenog od strane Ministarstva poljoprivrede, vodoprivrede i šumarstva Srednjobosanskog Kantona, broj: 05-25-694/19 dana 25.10.2019. godine;
- Kopija Rješenja o vodnoj dozvoli donesenog od strane Agencije za vodno područje rijeke Save broj: UP-I/25-3-40-634-4/18 dana 06.02.2019. godine;
- Izvještaji o monitoringu kvaliteta i kvantiteta otpadnih voda pogona „EPS LAŠTRO“ Kreševo (oktobar 2020. i januar 2021. godina), urađeni od strane ovlaštene laboratorije „Inspekt – RGH“ d.o.o. Sarajevo;
- Operativni plan mjera u slučaju akcidentnog zagađenja voda urađen od strane „PERSPEKTIVA-inženjering“ d.o.o. Visoko, mart 2020. godine;
- Glavni projekat tehničkog rješenja sustava za prikupljanje, tretman i ispuštanje tehnoloških otpadnih voda, urađen od strane ZAGREBINSPEKT d.o.o. Mostar, siječanj 2021. godine;
- Kopija uplatnice administrativne takse i biljezi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-046-2/21 dana 05.02.2021. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

- Predmetni pogoni za proizvodnju ekspaniranog polistirena – „stiropora“, izgrađeni su u ulici Resnik bb u Kreševu, na zemljištu označenom kao k.č. broj 40/01, 40/2 i 40/3 K.O. Mratinići, općina Kreševo.
- U krugu predmetnog kompleksa nalaze se sljedeći sadržaji: administrativne prostorije sa sanitarnim čvorom, kotlovnica, kompresorska stanica, proizvodna hala, rashladni toranj, hala za odležavanje stiropora i skladištenje gotovog proizvoda, trafo stanica, plinska stanica, interna benzinska crpka, interna praonica motornih vozila, manipulativni površine i parking prostor.
- Proizvodni prostor se ne pere, nego se čisti suhim putem - usisavanjem.
- Tehnološka otpadna voda koja nastaje kao kondenzat iz rashladnog tornja i iz procesa omekšavanja vode u kotlovima se prikupljaju i odvođe internom kanalizacionom mrežom do betonskog vodonepropusnog trokomornog taložnika, kao i oborinske vode sa dijela manipulativnih pripadajućih površina, te internom kanalizacionom mrežom do ispusta izvedenog u rijeku Kreševku.
- Tehnološke otpadne vode sa lokacije interne praonice motornih vozila se prikupljaju putem slivnika u taložnik, odvođe do tipskog separatora nafte i naftnih derivata, te preko okna za monitoring do ispusta izvedenog u rijeku Kreševku.

- Oborinske onečišćene vode sa lokacije interne benzinske crpke se prikupljaju putem linijskih slivnika, odvode do tipskog separatora nafte i naftnih derivata, a zatim do ispusta izvedenog u rijeku Kreševku;

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 14. i člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „EPS LAŠTRO“ d.o.o. Kreševo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

PRILOG: Operativni plan mjera u slučaju akcidentnog zagađenja voda urađen od strane „PERSPEKTIVA-inženjering“ d.o.o. Visoko, mart 2020. godine;

Glavni projekat tehničkog rješenja sustava za prikupljanje, tretman i ispuštanje tehnoloških otpadnih voda, urađen od strane ZAGREBINSPEKT d.o.o. Mostar, siječanj 2021. godine;

Dostaviti:

- „EPS LAŠTRO“ d.o.o. Kreševo, Resnik bb, 71260 Kreševo (sa prilogom)
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava